

山東通志

張曜
孫葆田
等纂
楊士驤
法偉堂
等纂

山東通志

三

上海古籍出版社

山東通志卷一百十

典禮志第七

通志七之一

傳曰安上治民莫善於禮禮之爲用大矣伊古帝王明禮昭格懷柔百神以至觀東后封泰山郊望之事宗廟百官之制詳已魯爲秉禮之邦今東方郡縣其遺城也黃帝明堂之圖雲陽少昊之陵曲阜大庭之庫典章存焉班孟堅有言六經之道同歸而禮樂之用爲急我

朝治定制禮凡壇壝廟廟之設有通祀有專祀有方祀載在會典達於各省下至鄉閭之間歲時伏臘順時應宜有其舉之

莫敢廢也茲以典禮之行於山東者有闕里釋奠講書

時巡泰嶽遣官祭告之禮皆特書以重要典其他慶賀受朔迎春耕藉教誨講約鄉飲酒之禮以及祀典所在祠宇則詳其節文與其器數而以禮器樂制樂章附焉敘典禮志

闕里釋奠

洙泗之間聖蹟所寄自古帝王過曲阜見聖人車服禮器咸致敬焉漢高帝十二年過魯以太牢祀孔子其後明帝章帝安帝幸臨東邦皆躬修祀事魏世祖孝文帝唐高宗元宗後周太祖宋眞宗咸將酒林嘉或蒞謁廟堂史不絕書禮文猶可考證我

朝重道尊師超軼前代

聖祖仁皇帝

高宗純皇帝巡方

幸魯昭廟吉蠲

親御講堂開明經義禮至隆也舊志載闕里門今遺

大清通禮節文暨

幸魯盛典紀載謹述

列聖幸魯釋奠講書祇謁

孔林之禮爲一編而敘祭

少昊與

周公

孟廟禮文附焉

闕里釋奠禮

大清通禮載

皇帝東巡詣

闕里

觀釋奠

先師孔子之禮豫期衍聖公率博士潔掃

大成殿內外分獻官扈從王公文官郎中武官參領以上地方

文官知府武官副將以上衍聖公暨十三氏五經博士咸與

祭先一日

皇帝遣齊興祭百官畢齊太常寺官具祝版送內閣中書令人敬

繕祝文翰林院撰於版大學士一人公服恭書

御名以授太常寺官豫奉陳於殿內如儀

右具祝版

是日味爽光祿寺卿一人祗刺牲守土官於祭所

神廚設香案光祿寺卿公服上香宰人率牲告牖遂及守土官

祗宰瘞毛血如儀

右祗刺牲

祭之前夕工部官張大次於奎文閣前夜分太常寺卿率屬

入

廟陳樂縣於殿階上陳文德之舞六份於樂縣之大遂及守土官

詣

大成殿

崇聖祠暨前後兩廡供具陳設器數

先師位前牛一羊一豕一豎一盂二簋二簋二簋十豆十蠶一蠶

二

四配位前各羊一豕一盂二簋二簋二簋八豆八蠶一蠶二

十二哲位前各羊一盂一簋一簋四豆四東西各羊一豕一蠶一

簋二殿中設一案少西北向供祝版其南東設一案西向陳

禮神制帛九盃香盤四尊三爵二十有七西設一案東向陳

禮神制帛八盃香盤三尊二爵二十有四凡性陳於俎凡帛

正位

四配異置

十二哲東西共體凡尊實酒承以舟疏布幕勺具

東廡二位同案每位爵一實酒每案簋一蠶一簋四豆四

先賢案前羊二豕二香案一蠶一蠶二

先儒案前羊一豕一香案一蠶一蠶二設案一於南北向陳禮

神制帛二盃香盤二尊三爵六盃簋勺具

西廡陳設同

崇聖祠

正位前各羊一豕一盂二簋各二簋豆各八蠶一蠶二

配位前各羊一盂一蠶四豆四東西各羊一豕一蠶二中設一

案少西供祝版東設一案陳禮神制帛五盃香盤五尊四爵

十有五西設一案陳禮神制帛四盃香盤四尊三爵十有二

兩廡東二案西一案每位爵一實酒每案陳設蠶蠶豆羊

豕蠶蠶如配位之數各南設一案陳禮神制帛一盃香盤一

尊一盃爵三盃簋勺具皆具變備衛官設洗於大次之外架

部率太常寺協律郎設中和韶樂於殿外兩階金鐘一編

鐘十有六在東玉特磬一編磬十有六在西皆縣以虞業東

應鼓一柷一應一西設一東西分列琴六瑟四簫六篪六

四排簫二塤二篳二搏拊二笙二羽籥三十有六太常寺官

設洗於

崇聖祠階下之東如式

右陳設

辨行禮位

皇帝拜位在

大成殿內正中北向武備院官司拜褥一人立於拜位之左分

獻官位香壇下陪祀王公位香壇上文官位庭左直東階下

武官位庭右直西階下地方官以其班列於朝官之次衍聖

公位東朝官之首五經博士位東朝官之末均北面辨執事

位太常寺司祝一人立就案西面司香四人司帛四人司

爵九人立東案之東西面司香三人司帛三人司爵八人立

西案之西東面侍儀禮部尙書一人或侍部都察院左都御

史一人或一人樂部典樂一人分立東西案之南東面

太常寺典儀一人立殿左門外西面司樂協律郎樂工歌工

文德之舞六份於階上樂縣東西序立記注官四人於西階

下序立糾儀御史禮部祠祭司官各二人引禮鴻臚寺官四

人分立王公百官拜位之次掌燎官率燎人立於燎爐之隅

兩廡司香司帛司爵東西各一人序立南案之南均北面承

祭

崇聖祠官王位階上大學士以下兩廡博士分獻位階下分獻

官拜位在承祭官後禮祝拜位在殿中門檻內均北面太常

寺司祝典儀掌燎各一人正殿司香九人司帛九人司爵九

人兩廡司香司帛司爵每案各一人立位與前儀同

右辨位

將事之日守土大吏率屬治道清蹕變儀衛陳

騎駕兩海於

行宮門外領侍衛內大臣及內大臣勅所部翊衛官護軍統領

宗人府王公勅所部後管官均采服於

行宮門外祇候不陪祭扈從官序列

行宮門前候

駕出跪登屆時太常寺卿赴

行宮奏請

皇帝龍袍袞服乘輿出宮前引後扈如常儀

右鑾輿出行宮

駕將至衍聖公率十三氏五經博士及不陪祭之守土官序立

廟門前道左跪迎鴻臚寺官引陪祭王公序立於奎文閣前內外

各官文由東金聲門入武由西玉振門入序立於庭內左右

均東西面太常寺贊禮郎引分獻官序立於玉振門外執事

官豫入殿庭就位均采服

駕至由

廟中門入至同文門奎文閣前降輿右贊引左對引太常寺卿二

人恭導

皇帝入大次少饗太常寺卿奏請行禮

皇帝出次監鑾儀衛官跪奉盤奉巾如儀司拜禮官豫布拜褥於

大成殿門內正中贊引對引官恭導

皇帝自奎文閣步入

大成門中門升中階詣殿中拜位前北向立內大臣侍衛止立

階下後扈大臣隨侍王公於侍衛後隨入由東西階升詣杏

壇上分獻官入玉振門詣杏壇下衍聖公率五經博士入金

聲門及百官就拜位均北面東西序立東班西上西班東上

典儀贊執事官各共通職贊引奏就位

皇帝就位立

典儀贊迎

神司樂贊事迎

神樂奏昭平之章辭曰大哉

至聖德盛道隆生民未有百王是崇典則昭垂式茲辟雍載虔重

嘉祿殿鼓鐘協律郎舉麾工鼓祝樂作贊引奏就上香位及

對引官恭導

皇帝詣

先師香案前對引官至祝案前止立司香跪進香贊引奏上香

皇帝上炷香三上壽香畢奏復位及對引官恭導

皇帝復位贊禮郎引正殿分獻官進至

四配

十二哲位前兩廡分獻官各詣

先賢

先儒位前上香畢復位贊引奏跪拜興

皇帝行三跪九拜禮興王公百官均隨行禮協律郎舉麾工鼓

樂止凡樂以畢則止後作

神

典儀贊贊帛府行初獻禮司樂贊舉初獻樂奏宣平之章辭

曰覺我生民陶鑄實聖巍巍泰山實予景行禮備樂和豆饗

嘉靖既述六經爰斟三正樂作司樂畢節舞羽箭之舞

禮之司引有司揭尊罍勺挹酒實爵司帛一人奉饌司爵一

人奉爵以次詣

先師位前司帛跪獻饌奠於案三叩興司爵獻爵奠於案中皆退

左右司帛奉饌司爵奉爵進至

四配

十二哲位前兩廡司帛奉饌司爵由南案前奉爵各詣

先賢

先儒位前奠帛獻爵如儀畢皆退復位司祝至祝案前跪三叩

奉祝版跪案左樂暫止贊引奏跪

皇帝跪擊臣皆跪贊禮祝司祝讀祝讀畢興奉祝版跪安

先師位前跪內三叩興退樂作贊引奏拜興

皇帝率羣臣行三拜禮興樂止

右初獻

典儀贊行亞獻禮司樂贊舉亞獻樂奏秩平之章辭曰至哉

聖師克明明德木鐸萬年惟民之則清酒既饗言觀秉翟太和常

流英材斯植樂作

先師位前亞獻於左

四配

十二哲位前兩廡分獻如初樂止

右亞獻

典儀贊行終獻禮司樂贊舉終獻樂奏敘平之章辭曰猗歟

終弗遲有喜樂作

司府奉爵詣

先歸位前恭獻於右

四配

十二哲兩廡均隨分獻如亞獻儀樂止文德之舞退

右終獻

典儀贊徹饌司樂贊舉徹饌樂奏德平之章辭曰聖水淵淵

芹芳藹潔既歆

至聖亦饗前哲聖金振玉告茲將徹饌假有成日月昭揭樂作徹

畢樂止

右徹饌

典儀贊送

神司樂贊舉送

神樂奏德平之章辭曰煌煌辟雍四方來宗臨陶樂育多士景從

如土斯植如金在鎔佐予敷治俗美時雍樂作贊引奏跪拜

興

皇帝率羣臣行二跪六拜禮興樂暫止

右迄

神

典儀贊奉祝帛饌送獻司祝司帛詣

先歸位前跪三叩司祝奉祝司帛奉饌興司香贊奉香司爵跪

奉饌興以次由中道出恭送燎所

皇帝轉立拜位東旁西向

司爵跪 司祝帛過 司爵跪

皇帝復位立

四配

十二哲兩廡香均送焚燎太常寺贊禮郎引分獻官退鴻

臚寺官引陪祀王公百官退立拜位東西樂作贊引奏禮成

贊對引官恭導

皇帝仍由大成門中門出升興樂止

右禮成

崇聖祠同時遣官致祭贊引太常寺贊禮郎引承祭官入祠垣

左門引分獻官隨入承祭官詣階下盥手典儀贊執事官各

司其事贊禮郎贊迎就位引承祭官分獻官就位立典儀贊

神司香奉香盤就各香案前立贊引官贊就上香位引承祭官升

東階入殿左門贊詣

肇聖王位前贊跪承祭官跪行一叩禮興贊上香司香跪奉香承

祭官上柱香三上爵香跪行一叩禮興不次詣左右

正位前跪上香儀同降階復位贊禮郎引分獻官升東西兩入殿

左右門分詣

配位前跪上香如儀降階復位引兩廡分獻官分詣兩廡

從位前跪上香復位均如前儀贊禮郎贊跪叩興承祭官分獻

官行三跪九叩禮興典儀贊贊帛爵行初獻禮贊禮郎引承

祭官升階贊詣中案前贊跪承祭官跪行一叩禮興司帛跪

奉饌承祭官受饌拱舉焚於案司爵跪奉爵承祭官受爵拱

舉焚於壺中跪行一叩禮興不以次詣左右案前跪焚帛獻

爵僕同贊禮郎贊就讀祝位引承祭官階拜位立司祝至祝案前跪三叩奉祝版跪案左贊跪承祭官分獻官皆跪贊讀祝司祝讀祝讀畢興奉祝版跪安

肇聖王位前跪內三叩興退贊禮郎贊叩興承祭官分獻官行三叩禮位贊復位引承祭官出降階復位贊禮郎引正殿分獻官升東西階入殿左右門詣

配位前引兩廡分獻官分詣兩

從位前跪奠帛獻爵興復位均如正獻儀亞獻各獻爵於左終獻各獻爵於右均如初儀興贊徹饌有司徹饌畢贊送

神贊禮郎贊跪叩興承祭官分獻官行三跪九叩禮興典供贊奉祝帛跪送燎司祝司帛司香司爵各奉祝帛香饌以次恭送燎位如供承祭官跪立西旁候過復位贊禮郎引詣燎所祗燎贊禮畢仍由祠垣左門出各退

右

崇聖祠祭儀

致祭禮成贊引對引恭導

皇帝出殿門降中階至奎文閣前乘輿詣詩禮堂壽書

闕里壽書禮

前期禮部具奏

命行在大臣會衍聖公選聖裔賢裔二人充經書直講其應用篇

目由大學士奏請

欽定交翰林院撰擬講章豫進

御覽

欽定恭繙以竣

右戒辦

屆期工部官張大次於奎文閣前張

御帳設

寶座於詩禮堂正中南向武備院供

御帳鋪陳鴻臚寺官於

御帳前設經書案堂東設勅案均東西肆設講案於西檐下南北

肆是日黎明內閣中書奉

勅陳堂內東案翰林院官奉

御覽講章陳於帳前中案奉進講副本陳於講案皆書左經右畢

退

右陳設

辨班位記注官立堂內西柱下東面大學士一人立東檐下

宣勅官一人立大學士後皆西面鴻臚寺卿二人鳴贊二人

立東西階上東西面序班二人立於庭西執事官一人立序

班之下均東面

右序位

皇帝設奠

先師禮畢出同文門至奎文閣前就大次少憩扈從大學士以下

京堂科道以上守土官巡撫司道於承聖門左以次序立衍

聖公畢東野氏孔氏顏氏曾氏孟氏閔氏冉氏端木氏仲氏

言氏卜氏有氏顯孫氏五經博士及直講官於門右以次序立禮部尙書奏請

皇帝詣詩禮堂行講書禮

皇帝出大次乘輿前引後扈如常儀至承聖門外各官跪迎候過

興隨入門內左右序立如初司道官候於門外

皇帝至詩禮堂前降輿

御寶庫禮部尙書侍郎前引內大臣止立門外待衛夾東西階下

竪立後扈內大臣於

御座兩旁侍立記注官升西階入右門就位大學士升東階立東

階下執事官咸入就位鳴贊贊齊班序班引衍聖公以下就

庭西拜位北面立贊跪叩興行三跪九叩禮興贊講書直講

一人出班升西階詣講案前跪三叩興就案西東面講四子

書畢降階復位次直講一人出班升階講經如講書之儀

右迎講

鴻臚寺卿進至中門之左奏宜

勅賜贊跪衍聖公以下皆跪大學士入左門就案奉

勅出堂中門授宜勅官奉至階前西面宣

勅曰至聖之道與日月並行與天地同運萬世帝王咸所師法下

逮公卿士庶同不率由爾等遠承聖澤世守家傳務期型仁

講義履中蹈和存忠恕以立心敦孝弟以修行斯須弗去以

奉先訓以稱朕懷爾等其祇遵母誓宣畢奉

退贊叩興衍聖公率博士以下謝

恩行三跪九叩禮興儀往毓粹門外祇候各官咸出禮部奉禮成

右詩禮堂講書禮成

是日工部官豫張大次於毓粹門內光祿寺官設一案於

孔林寢臺正中設寢池於案上武備院官設拜褥於寢案之前

皇帝講書畢祇謁

孔林衍聖公率十三氏五經博士及不陪祀之守土官於毓粹門

外道左候

駕出跪送

皇帝由承聖門出詣大次更常服少踰步出毓粹門乘輿前導後

扈如常儀扈從王公以下三品文武官以上豫往享堂垣門

外序立衍聖公率孔氏子孫通仕籍者及不陪祀之守土官

均常服豫往觀樓門道左候

駕至跪迎

孔林大門外內大臣侍衛咸下馬導從過泔水橋至享堂垣門前

降輿禮部尙書侍郎恭導

皇帝由中門入升中階詣露臺拜位後扈大臣隨侍奉爵內大臣

一人立於左內務府官司奉壺司得奉爵立內大臣之下

鴻臚寺官引王公百官隨自左右門入王公夾階下左右文

武大臣侍衛於庭中左右立衍聖公及族人陪位如在

廟之序

皇帝親王公以下皆親司壺舉壺酌酒司爵以爵承酒授內大臣

內大臣自左奉爵跪恭進

皇帝與少退立

皇帝拱舉爵酒奠池中內大臣跪受虛爵興退

皇帝行一拜禮羣臣隨行禮再酌三爵酌酒進酒

皇帝率羣臣各行一拜禮均如初興內大臣及執壺爵者退鴻臚

寺官豫引王公大臣侍衛於享堂垣門外之東序立衍聖公

率其族暨不陪祭守土官仍於觀樓門道左祇候

駕出跪送禮部尚書侍郎恭導

皇帝降中階出中門乘輿還

行宮不陪祭扈從官跪迎如來儀

右闕

孔林以通大

幸魯盛典紀載

康熙二十三年

聖祖仁皇帝東巡秋九月二十四日丁亥

車駕發自京師衍聖公孔毓圻率五經博士孔毓埏等迎

駕至齊河

諭衍聖公孔毓圻歸待於境

遣太常寺寺丞張景鵬鴻臚寺鳴贊給布簪香品至闕里飭執事

有司演習禮樂并攜國學所用樂舞袍服以往十一月十二日癸酉

乘輿自南還十六日丁丑

駕至費縣

遣翰林院掌院學士常書侍讀學士朱瑀奏至曲阜會同衍聖公

孔毓圻於孔氏子弟內選舉講書二人令撰次應講經書講

義

遣呈孔毓圻舉監生孔尚任舉人孔尚鉉應

詔講書

駕自費縣至泗水東境經泉林寺

駐蹕觀泉久之十七日戊寅

幸曲阜衍聖公孔毓圻率博士孔毓埏等諸職官及其族人五氏

子孫年十六以上山東巡撫張國率司道以下及本處守令

屬員登州總兵官林宗率沂州協守都督僉事董維熊等於

東郊跪迎

駕至南城

行宮

駐蹕是日夜分禮部太常寺鴻臚寺官會集廟庭比其執事比其

位次由戒所司省牲幣抵海濱陳設祭器祭品展樂縣贊舞

列張

御帳

講筵於詩禮堂令進講者肄習進講儀節其執事官贊引內閣學

士席爾達對引太常寺卿葛思泰典儀太常寺禮祝官張達

唱樂太常寺贊禮郎法山祝祝文鴻臚寺少卿和西奉

御拜歸太常寺贊禮郎沙拜獻

孔子位帛太常寺典簿程察獻府太常寺贊禮郎韓布顏子位
分獻內閣學士麻爾圖導引太常寺寺丞張景壽獻帛欽天
監博士三保獻府聖廟司樂王國光曾子位分獻翰林院學
士常書導引太常寺贊禮郎華善獻帛國子監助教費揚古
獻府聖廟典書石堪子思子位分獻都察院副都御史孫果
導引太常寺贊禮郎常祿獻帛禮部員外郎郭世隆獻府四
氏學教授沙漢孟子位分獻翰林院學士孫在豐導引太常
寺七品筆帖式察爾器獻帛國子監助教黑圖獻府聖廟
管勾王自莊賈哲閣子等五位分獻內閣侍讀學士徐廷璽
導引太常寺七品筆帖式金泰獻帛禮部七品筆帖式朱魯
獻府禮部郎中觀音保西哲冉子等五位分獻翰林院侍讀
學士朱瑪泰導引太常寺七品筆帖式羅奇獻帛禮部七品
筆帖式佛保獻府欽天監筆帖式李聞東滿分獻太僕寺少
卿楊舒導引太常寺八品筆帖式碩塞獻帛候選縣丞王自
泰獻府候選州同桂枝茂西縣分獻欽天監監正安泰導引
禮部員外郎哈爾吉布獻帛候選縣丞永永祿獻府曲阜監
生張宏襄捧舉饌盤數帛禮部八品筆帖式雅爾布盟洗贊
禮生趙承璧李榮先十八日己卯味爽禮部乃至

行宮奏請

皇上詣

先師廟行釋奠禮樂奏咸和甯和安和景和之曲

今改

遣國子監祭酒阿禮瑚祭

崇聖祠釋奠禮畢禮部奏請

御講筵

上由奎文閣東入承聖門步升詩禮堂

御輦升座鴻臚寺卿程成格少卿何璽引大學士明珠王熙等官
二十員於左翼排立衍聖公孔毓圻引翰林院世襲五經博
士孔毓煜等及講書舉人孔尚鉉監生孔尚任等官四十六
員於右翼排立

詔以兗州府知府張鵬翮爲官清正傳入聽講監生孔尚任進講

大學聖經首節舉人孔尚鉉進講易經繫辭首節講畢退下

階歸右翼班次鴻臚寺官奏請宣

勅衍聖公孔毓圻率五氏有職及講書人員俱跪大學士王熙宣

勅衍聖公孔毓圻率五氏子孫謝

恩禮部奏請

駕還行宮

諭曰朕初至闕里祀典既成意欲獨覽

先師遺蹟著衍聖公孔毓圻山東巡撫張鵬口北道孔興洪講書

官孔尚任孔尚鉉等引

駕於是

駕由承聖門出復入大成門登

大成殿

觀詣

先師神座前

命侍衛散帷拂座懸瞻聖像

順問衍聖公孔毓圻曰此像造於何年毓圻奏曰相傳東魏興和

三年兗州刺史李瑳始塑

聖像以次

觀顏子曾子子思子孟子像

視禮器有犧象雲雷三饗

問何代法物毓圻奏曰漢章帝元和二年親祀闕里所留祭器

觀石刻吳道子畫魯司寇像出殿北屏過寢廟至聖蹟殿周覽圖

需石刻及幾几像行教小影立像行像諸石刻

順謂衍聖公孔毓圻曰何像最真毓圻奏曰惟行教小影顏子從

行者爲最真乃當年端木賜傳寫晉顧凱之畫摹者

上爲拂拭凝視遂由左階出

上問西偏是何處毓圻奏曰前爲金絲堂後爲

啟聖公叔梁父祠

上斂容駐望久之復南入

大成殿北屏至殿前左屏南向立

召孔氏及五氏子孫有頂戴者皆入跪階上

上諭曰至聖之德與天地日月同其高明廣大無可指稱朕向來

研求經義體思至道欲加贊頌莫能名言特書萬世師表四字

懸額殿中非云闕揚

聖教亦以垂示將來隨

命侍衛捧出卷軸展開

御書萬世師表四字羣臣欣欣踴躍同聲頌揚衍聖公孔毓圻跪

拈捧安

神座前復

命大學士明珠宣

諭曰歷代帝王致祀闕里或留金銀器皿朕今親詣行禮務極尊

崇

至聖異於前代所有曲柄黃蓋留之廟中以示朕尊聖之意

諭畢

命以御前常用黃轎留供廟庭四時鑾祀陳之五經博士孔毓垓

起接恭置殿中衍聖公孔毓圻率五氏職官及陪祀聽講人

等叩頭謝羣臣皆呼

萬歲

上出殿至階上

問

大成殿榜衍聖公孔毓圻奏曰此榜宋徽宗御書飛白字也

上撫視盤礴石柱移時始下階至杏壇毓圻奏曰此

先聖講道之所

上覽金臣蔡懷英篆杏壇二字碑

上步下杏壇玩壇前石鐫龍爐毓圻奏曰此金章宗時巧工所製

上覽宋臣米芾所書楹樹贊碑及宋眞宗君臣所製孔子與七十

二弟子贊

上前至大成門左側

先師手植柏

問此樹末朽何以無枝毓圻奏曰自故明弘治十二年廟燬於火御贊殿大成門俱被焚柏在門殿之間經火枝葉盡脫孤幹獨存今又二百年矣不枯不榮其堅如鐵色亦如之俗呼爲鐵樹

上命侍衛入欄撫摩良久稱其神異

駕出大成門

問漢碑所在毓圻奏曰漢碑在奎文閣前因引

駕過唐碑亭觀唐乾封碑

上嘉其前至奎文閣衍聖公孔毓圻曰此閣乃藏歷代書牘之所皇上頒賜之書皆藏其上也

駕由奎文閣西偏門出閱永樂弘治碑前至同文門觀門右漢碑孔尚任奏曰此漢元嘉二年魯相乙瑛始置卒史碑今謂之百戶碑

上問何爲百戶碑尚任奏曰歷代儀崇之典於廟庭設官四員典籍以致習禮儀司樂以典司樂舞管勾以經理屯田百戶以守衛廟林謂之禮樂兵農四司

上以次觀漢永壽二年韓勣造禮器碑漢永興二年諸郡史孔讓碑魏黃初元年宗聖侯孔羨碑又於門左觀漢建甯二年史晨祀廟碑漢永壽三年韓勣修墓碑及漢泰山都尉孔宙傳說太守孔彪墓碑

駕自同文門回

閱洪武永樂碑學復由奎文閣東偏門入

觀宋金元修廟碑行數武

問廟基廣闊何處是

先師故宅孔毓圻奏曰

皇上所御講筵之後有魯壁遺址乃

先師燕居之所

駕復入承聖門

觀堂前太初石唐槐及銀杏樹由中階升詩禮堂

御座孔毓圻奏曰此當日夫子獨立伯魚過庭得聞詩禮之處又

於堂後

觀孔宅遺井憑欄歎羨孔毓圻奏曰此祖當年所飲之井也

上命汲水嘗之又

問魯壁遺址毓圻奏曰昔秦始皇焚詩書曰九世祖孔鮒預藏

尙書論語孝經諸書壁中至漢魯恭王欲毀祖故宅以廣

其宮聞壁中有金石絲竹之聲發之得竹簡古文故後世名

其堂曰金絲又登詩禮堂升

御輦孔毓圻等出候承聖門外

御製詣闕里詩

命大學士王士禛捧出

賜衍聖公孔毓圻毓圻等跪接展讀畢咸叩頭謝恩

聖駕出承聖門大學士王 賡 宣

諭曰

聖駕即日幸

孔林仍著衍聖公孔毓圻及口北道孔興洪講書官孔尙銓孔

尙任引

駕於是

上由毓粹門出

御涼輦由海前導東過鼓樓北從陋巷街出曲阜城北門前行一

里至

聖林門

命從臣皆下馬又半里入觀禮門衍聖公孔毓圻等跪迎道左

駕至泮水橋即

命降輦毓圻奏曰此去

先師墓尙遠又引

駕前至墓門

上降輦步入詣

先師墓前北面瞻大學士明珠捧金匱酒

上三爵酒行三叩頭禮恭親王及諸大臣衍聖公孔毓圻等皆陪

位行禮

上瞻仰墓碑

問墓上是何草木毓圻奏曰孔林草木皆當年蔡弟子各自其

國徒植種類繁多不能悉辨其最著者楷木苦草二種

問楷木何所用之毓圻奏曰楷木可爲杖又可爲棋其萌可爲

蔬又可爲茶其櫟可爲蠟其子榨油可爲膏燭又

問有苦草否取來脫看毓圻自墓側取苦草一莖進呈

御覽

上曰大衍之數五十其用四十有九苦草一莖五十莖者以筮方

祿今果有否毓圻奏曰林中雖多苦草其叢生五十莖者謂

之瑞草不能常有今

鑾輿經過瑞草必生有則即馳進

駕由聖墓西偏至先賢端木賜廬墓處過宋丘宗駐蹕亭徘徊良

久

命侍衛登高遠眺

上見樹上苦草親摘一葉

問此草何名毓圻奏曰此名文草冬夏不凋根葉花實具五色

五味

駕至楷亭毓圻奏曰此端木賜手植楷木枯而不朽又

問其苦草生地上者可更覓一觀毓圻遂引

駕至楷亭之西岡隔崎嶇莽莽深密披叢指奏曰此卽苦草

上親摘一莖玩其枝幹又採子盈掬辨其氣味曰細嗅之亦有異

香

上遂採三株付近侍攜歸又

問此大樹爲何木毓圻奏曰此皆櫟樹

上笑曰本名櫟樹也

上殿時過午出亭殿至階下南面立衍聖公孔毓圻等叩頭奏謝
上觀亭前石像翁仲華表角端文豹復於幕前立東望

問是何所毓圻奏曰日家春秋祭掃族姓燕會之所名曰思堂
上入思堂周覽宋元題名訖在堂中南向坐頃之步出思堂升堂

出林門即西發

幸兗州衍聖公孔毓圻等跪送道左如禮

祭周公廟禮

康熙二十三年

諭周公古大聖人制禮作樂垂示萬世今廟在曲阜應行致祭事

關大典大學士會同禮部翰林院詳議具奏欽此遵

旨議准道統之傳上自堯舜至於周孔今

躬祀闕里復

命致祭

周公廟廷禮隆盛洵爲萬世章程應令該衙門機擬祭文遣

官致祭奉

旨致祭周公禮宜隆重其遣親王及禮部尚書偕往以示朕尊崇

先聖之意是日

御製祭文遣官衛往致祭又題准致祭

元聖周公祝版用白紙黃綠墨書祭用禮神調帛一羊一豕一

果五盤尊一爵三香帛爵由太常寺祭品牲醴由地方官備

辦祭日讀祝文奠帛爵行三獻禮二十六年奏准

御書周公廟碑文亦照

文廟如式恭摹勅諸貞珉

皇子告祭禮

康熙三十二年秋八月和碩誠親王允祉奉

詔告祭闕里

聖廟祭日辰時

皇子穿蟒袍補服至大門外下馬處贊引官引

皇子從東邊門入至盥洗處贊引官唱盥手盥畢贊引官引至

殿階上行禮處立典儀官唱樂舞生就位執事官各司其事

贊引官贊就位

皇子就位立典儀官唱迎神樂官唱迎神樂奏咸平之曲唱

畢奏樂畢贊引官贊跪叩興

皇子行三跪九拜禮興典儀官唱奠帛爵行初獻禮捧香帛爵

官捧香帛爵就前同神位立唱樂官唱初獻樂奏南平之

曲唱畢奏樂贊引官贊升壇引

皇子從東邊門入就香案前司香官在香案左跪贊引官贊跪

皇子跪贊上香

皇子將香盒拱畢仍授司香官

皇子立拱畢上炷香又三上盞香捧帛官跪贊引官贊跪

皇子行一叩禮興贊引官贊獻帛

皇子立接帛拱畢獻於案上贊引官引

皇子至爵案前捧爵官跪贊引官贊獻爵

皇子立接爵拱畢獻於案中間行一叩禮興贊引官贊詣祝祝

位引

皇子詣讀祝位立讀祝官至安祝文案前行三叩禮將祝文捧
舉就案前立樂止贊引官贊跪

皇子跪贊讀祝祝官跪讀畢將祝文安於盤帛匣內行三叩
禮退奏樂贊引官贊

皇子行三叩禮贊引官贊復位樂畢典儀官唱行亞獻禮禮
如初獻爵於左樂奏安平之曲終獻奏景平之曲禮如初
獻爵於右典儀官唱徹饌唱樂官唱徹饌樂奏咸平之曲
樂畢典儀官唱送神唱樂官唱送神樂奏咸平之曲贊引官
贊跪叩興

皇子行三跪九拜禮興樂畢典儀官唱捧祝帛儀恭詣燎位捧
祝帛香饌官就前捧祝帛官跪行三叩禮捧香饌官不叩俱
跪捧香饌祝帛出中門詣燎位

皇子至西邊立俟祝帛香饌過

皇子復位立焚祝帛半贊引官贊禮畢引

皇子退贊引官是日祭告禮成

皇子詣

孔林至涿水橋下馬步至

先師墓前行三跪九拜禮畢跪祭酒三爵每祭酒一爵行一拜禮
從官贊衍聖公皆隨行禮

雍正八年重修

闕里

聖廟各工告成請遣官祭告奉

旨遣皇五子及郡王一人往祭奏准

皇子致祭

先師闕里照例具蟒袍補服隨往之大臣侍衛官員地方官衍聖

公五氏子孫有官職者咸陪祀禮成展謁

孔林一應祭祀事宜行禮俟注載執事官均交太常寺辦理又

奏准康熙三十二年告祭

先師闕里未經議及

崇聖祠此次

皇子往祭請遣分祭官於

大成殿致祭之時

崇聖祠亦同時行禮是年

皇子致祭

先師闕里禮儀與康熙三十二年同郡王致祭

崇聖祠與京師

崇聖祠承祭官行禮同與會

乾隆十二年六月

上諭朕幼誦簡編心儀

先聖一言一動無不奉

聖訓以爲法程御極以來覺世儒民式型至道願學之切如見窺

牆辟雍鐘鼓射製股肱而未登闕里之堂觀重服禮器心甚歡

焉仰祈

皇祖聖祖仁皇帝巡幸東魯親覽孔林煥典傳於奕祿

皇考世宗憲皇帝崇聖加封重新廟祝管造殿弟和親王恭代展祀
未以命朕意者其或有待敷朕實紹不基撫茲熙治思以來年
春孟月東巡狩因溯洄涉杏壇瞻仰宮牆申景行之風志

十三年

高宗純皇帝東巡二月戊寅日

辛卯皇先

詣廟拈香衍聖公孔昭煥舉人孔繼汾優貢生孔繼淶同山東巡
撫等官恭導

聖駕至奎文閣前降輦步入大成門升階盥手入殿中上香行三

跪九叩頭禮畢周覽廟中古蹟

聖駕詣行宮翼日己卯

親詣闕里如康熙二十三年

聖祖仁皇帝闕里釋奠之儀

四配

十二哲及兩廡從祀

先賢

先儒

命左都御史劉統勳等各分獻

崇聖祠

遣誠親王允禧行禮
崇聖祠先賢先儒

命侍讀吳爾泰等各分獻禮畢

御詩禮堂講筵舉人孔繼汾進講中庸凡爲天下國家有九經一
節優貢生孔繼淶進講周易臨卦多辭隨從諸臣巡撫司道
衍聖公各博士及十三氏子孫皆入詩禮堂聽講畢

勅大學士傅恒宣

諭衍聖公孔昭煥等曰至聖之道參天地贊化育立人極爲萬世
師表凡茲後裔派衍支繁當永念先型以期無忝昔我

皇祖東巡時邁闕里特頒

聖諭炳若日星朕仰紹

前徽虔修展講之禮念爾等令緒相承淵源勿替載申誥諭用示

訓行其務學道敦倫修身慎行克稟

先師之赫訓祇遵

聖祖之誨言弗愧爲聖者子孫朕實嘉予之其欽承勿怠宣事遂

率孔林醇酒行一跪三叩頭禮旋

詣少昊陵致祭周公廟拈香

上還行宮

賜十三氏子孫宴

御書門榜廟額舉大成殿詩禮堂及各門又

諭內閣曰康熙二十三年恭遇

聖祖幸魯盛典崇奉聖旨將曲柄黃蓋留供大成殿今朕親詣闕里

釋奠
先師敬紹